

# Аллоҳнинг амрларини зое қилишнинг оқибати



11:00 / 09.08.2022 2476

Имом Аҳмад ибн Ҳанбал роҳимаҳуллоҳдан ривоят қилинади:

«Кипр фатҳ қилиниб мусулмонлар қўл остига киргач, мусулмонлар ўша куни роса хурсанд бўлишди. Буюк саҳобий Абу Дардо розияллоҳу анҳу ҳам фотиҳлар ичида бор эди. Аммо Абу Дардо хурсанд эмас эди. У тинмасдан йиғлар эди. Шунда Жубайр ибн Нуфайр сўради:

- Эй Абу Дардо! Бугунги хурсандчиликда нега йиғлаяпсан?

Абу Дардо розияллоҳу анҳу деди:

- Ҳолинггавой бўлсин эй Жубайр! Бандалари Унинг амрини зое қилишар экан, уларнинг Аллоҳ олдидаги қадрлари қолмайди. Булар бир пайтлар ғолиб, устун эдилар. Аллоҳнинг амрини зое қилиб бугун мана шу ҳолга тушиб ўтиришибди!

Араблар жоҳилияят даврида жуда ҳам уришқоқ ҳалқ эдилар. Яйлов ва ўтлоқлар учун бир-бирларининг гўштини ейишар эди. Уларнинг баъзиси Рум томонида бўлса, бошқаси Форслар томонида эди. Учинчи бири эса икки томонга ҳам қўшилмасдан, туя мусобақасида туяси енгилгани учун узоқ йиллар ўзаро уришиши мумкин эди.

Сўнгра Аллоҳ уларга шафқат назари ила бокди. Уларни икром қилди. Уларга пайғамбарларнинг энг яхшиси ва афзалини юборди. Расууллоҳ соллаллоҳу алайҳи васаллам дунёни ўзгартиридилар. Ер юзини абадул-абадга ўзгартиридилар. Уларни оддий чўпонликдан халқларга етакчилик даражасига кўтарди. Улар ўзаро ихтилофда эдилар. Аллоҳ уларни душманларига қарши бирлаштируди. Бир неча йил ичидаги ўзлари тобе бўлган икки империяни ҳам қулатишиди.

Коммунистлар жамиятни ривожлантириш йўли, ишлаб чиқариш воситаларини ўзгартириш, дейишади. Расууллоҳ соллаллоҳу алайҳи васаллам ишлаб чиқариш воситаларини ўзгартирмаганлар. Капиталистлар жамиятни ривожлантириш йўли иқтисодни озод қилиш, катта-катта ширкатларга асос солиш, дейишади. Расууллоҳ соллаллоҳу алайҳи васаллам бундай қилмаганлар.

Расууллоҳ соллаллоҳу алайҳи васаллам жоҳилиятга оид фикрларга қарши курашганлар. Уларнинг ўрнига мустаҳкам ва собит ақидани бино қилганлар.

Расууллоҳ соллаллоҳу алайҳи васаллам омочлар ясамаганлар, дехқончилик асбобларини ривожлантирмаганлар. У киши инсонларнинг қалбига кириб борганлар ва уни тавҳид нури билан ёритганлар. Уларнинг ақлига кириб уларга ҳақиқатини кўрсатганлар, дунёning нелигини англатганлар. Уларга даъват омонатини юклаганлар.

Рибъий ибн Омир форслар қўмондони Рустамнинг ҳузурига кирганида шундай деган эди:

«Аллоҳ бизни инсонларнинг инсонларга ибодат қилиш хорлигидан уларни Аллоҳга ибодат қилиш азизлиги томон кўтариш учун юборди!».

Нимага эришган бўлсак шу дин билан эришганмиз. Мужадидларни шу дин етиштиради. Дунё минораси ҳисобланмиш Андалус маданияти шу дин соясида барпо бўлган.

Бугун Аллоҳ наздида хор бўлганимиз сабаби Унинг амрларини, кўрсатмаларини тарк қилганимиз учундир.

Тўғри, ичимиизда солиҳлар бор. Тўғри, ичимиизда обидлар бор. Аммо биз бир иккита шахслардан иборат эмасмиз. Биз бутун бир умматмиз. Бутун бир уммат битта солиҳ инсон каби солиҳ бўлмас экан, шонли азаматимизга ҳеч қачон қайта олмаймиз!

**Абдулқодир Полвонов**